

شمعی اولر مزده کی بارداقلرک ایچنده فورطنه می چیقاره جقسکز؟ سینیرلرکز
یاتشدی ایسه کلکزده بزم چوجوقده ویردیکم اطاعت پدرانه درسنه مثال فعلی
کورسون!

۷ ایلول ۳۲۴

برقزل طیراقلی

اجال داخلی

فی الحقیقه یاپلیان یوللرک، آچلیمان مکتبلرک(؟) اعمال وکشاد اولندیقی مثللو منفعت جویانه
اکاذیب صریحه یه - بوکون تمللرینه وارنجیه قدر ییقلمش، چورودلش بر بنا حالنده
ملته تودیع اولنان ... دها طوغریسی ملت طرفندن هیهات که او خالده جبراً استرداد
اولونه بیان سوکیلی وطنمیزک رکزار عمران و عرفان ایدلدیکی یولنده کی بیانات ریاکارانه یه
مرأت انعکاس قیثان «تبلیغات رسمیه» ستونلرینه بو تبلیغ مهم عادات اموردن ایشکی
کچیرلش، صوقوشدرلش؛ غزت لرک بشقه هیچ بر جهتنده شوکا دائر بر سوز بولنلش
وبرکون اقدم سرعسکر رضا پاشانک عزلی وکامل وسعید پاشارک رأس اموره جلی اوزرینه
حس ایدیلان قورقو، خارجدن بر تهلکه خوی آرتوب وهله اولاده استانبول خلق
ترددلر، اضطرابلر ایچنده قلمش ایدی. اوتوز ایکی ییلق بر عدم امنیت - که اولاد وطنی
اویقولرنده بیه هول انگیز مشاهدات یوزندن بی حضور ایدردی - بر آنده زائل اوله مدیعی
ایچون حقائق احواله واقف اولانلرک دخی یکدیگرینه تبریکاتی دور مشوم سابقک
ایجاب ایلدیکی صورت خاٹانه ده وقوع بولدی. فقط چوق یکمدی، فرداسی جمعه کوئی
عسکر مزک سلامغه کیدرکن غلطه زقافلرنده کوردیکی تقدیسکارانه نمایشلر، مطبوعات
منسوبیننک شاشقینجه ویریلان زورنالره رغمأ سرکه جیده طوبلانرق «قانون اساسینک
موقع تطبیق و اجرایه وضعیله حقوق عامه نک تحت امنیت آلمسندن طولانی...»
مقدمه سیله پادشاهه تلغراف ارسالی صورتسده باشلایوب سانسور تحریاتندن له الحمد
مصون ایضاحلری، تفسیرلری سایه سنده هر درلو حس اجتناب و اشتباه زائل اولدی.
یوز بیکارله احرار امتدن متشکل فرق نمایشکارانی زقافلر استیعام ایده مز اولدی.
هر یرده عظیم برهیجان مسرتله نطقلر سولندی، دیکندی، آلقیشلره مستغرق ایدلدی.
ترک لرک ریاستنده کی فرقه لار منی وروم بطریقخانه لرنه، بلغار اکسارخانه سته، خلاخخانه یه
کیدرک پای تختده ایلک دفعه اوله رق علناً مذاهب مختلفه سالکینی آرمسنده اتحاد و اتفاق
تملری آلدی. قانون اساسینک بو دفعه کی اعلانی ۹۳ اعلانه بکزمز اولدی. او زمان
بو قانون مبارکی اکالایانلر، تطبیقاتنه کیریشلر بالنسبه قلیل ایدی. بو دفعه ایسه ملت
معظمه عثمانیه بردن قالدی، بردن اکلادی... قانون اساسی اعاده تأسیس و تطبیق
اولندیقی حالده مقاملرنده طورملرنی آرتق وکالت مقصوبه و غیر مشروعه دورینک
ختمانی نظر اعتماد ایله کورمدکیرینه می، یوقسه جهالت تفسیرینه و شاشقینلرینه می عطف
ایلمکده متردد قالدیمز بعض وکلای سابقه مندفع اولملرینه انتظاراً مواجهه ملته ملت
طرفندن تحلیف اولندی. عبدالحمید ثانی حضر تملری قانون اساسینک احکامنی مکرر یمینلرله

تأمین ابتدی . ملتله پادشاه آره سنده کی جائل بر آندہ اینه رک سلامق رسمی علوی بر منظرة و داد واتحاد کوستردی .

مطبوعاتک ذاتاً بالفعل لغو ایتش اولدیغی سانسور اصول ملعونه سی رسماً الغا اولدیغی متعاقب خفیه لک اصولی قالدیرلدی . مجرمین سیاسیہ تک عفوی شوق ملتق حرارتلی یاشلر آره سنده مزداد ایلدی . روم ایلیده اختلال فرقه لری ترک سلاح ایلدیلر ؛ هرکس یکدیگری تک آغوشنه آتیه رق مؤاخاة ومصافاة کوستردی . ماکدونیا اصلاحاتی نامیه اوروپا دول معظمه سی طرفدن ایلری سورولان تدبیر تشتیبه و تفریقیه کری آلدی . محیط شاهانه بی تطهیر ایتک وبالخصوص ییلدیزهواء ریآ آلود و اغواکاری تصفیہ ایتک قدر قانون اساسی بی تحت تأمین قطعی به آله حق تدبیر اوله میه جفندن مکاتب عسکریه مفتشی اسماعیلدن باشلایه رق قرنادن راغب و فائق طرد اولندیلر بعضیلری ایسه ضبطیه نظارتدن کچرک یاب سرعسکری قغوشلرینه طبقلدیلر . یالکز شو امت مرحومه تک باشنه حجاج ظالمدن بدتر بلا کسیلوب حکمدار ثانی کچین مابین ایکنجی کاتبی چسکانه عزت ایله بنی ملحه هیئت شقاوت تک ریسی سلیم ملحه تک فرارلرینه سد چکیله مدی که بونده کی مسئولیت سعید باشاک ضعفه - ضعفه دیه لمده کچلم - متوجه در .

بر طرفدن بویه تطهیرات وقوع بولدیغی حالده دیگر طرفدن استانبولده محکومین عادیه تک دخی صالیورلمی و سکون و آسایشه هر وقتدن زیاده محتاج اولان پای تخت زققلرینه همنوع تک ، مسافرلرینک ، وطنداشلرینک جاننه ، مالنه ، ناموس و عرضنه تسلط و تجاوز ایتش بر سوری عناصر مضره و ملوثه دوکولمی شو حالک بالضروره ولایاته شمولی سعید پاشا ریاستنده کی هیئت وکلانک عفو اولتماز خطارلرینک درکه باشلیجه نتایجی قتل ، ابقاع حریق کبی شیلر اولمشدر .

قانون اساسی بی ایتک اول ادراک ایدن هیئت وکلانک استعفا سی لزومنده هرکس متحد اوله رق باغیرمش ، اصول ادارمهجه بویه عظیم بر انقلاب حصولنده اول باول اداره سابقه بمنسوب وکلا اچلرنده ناموسیلر بولنسه دخی عمومیتله چکیلوب برلرینه بر هیئت قانونیه و مشروعه کلمی ایجاب ایدر اولدیغی تک کوچلکه اکلاتیه بيلمشد . نهایت کنندیلکندن تشکیل ایلدیکی (۱۹ تموز) هیئت [۱] پاشا حضرتلرینک احوال و اشخاص مملکتجه نه قدر جاهل اولدیغنه برهاندیر .

[۱] مجلس وکلا مأموریتنه عدلیه ناظری عبدالرحمن پاشا

» » » ابقاء کامل پاشا

عدلیه نظارتنه شورای دولت رئیس حسن فهمی پاشا
داخلیه نظارتنه تجهیزات عسکریه ناظری حاجی عاکف پاشا
شورای دولت ریاستنه اوقاف ناظری طرخان پاشا
اوقاف نظارتنه مستشار صدارت محمد علی پاشا
نافه نظارتنه خارجیه مستشاری نعم پاشا
تجارت و صنایع نظارتنه دفتر خاقانی ناظری ضیا پاشا
زراعت و اورمان و معادن نظارتنه مأمورین ملکیه قومیسونیو رئیس توفیق پاشا
مالیه نظارتنه نظارت مستشاری راغب تک
معارف نظارتنه ابقاء حق تک

هیئت تدقیق ایلدیکم زده علم و اخلاق نقطه نظرندن محرومیت ویا نقصان، هله شخص ايله مأموریت آره سنده موجود اولسی لازم کلن امتزاج و اختصاصیه ققدانی کوستر مثالر کوزه چارپوردی، اورمان و معادن و زراعت و مالیه و اوقاف نظارتلی، شورا ریاستی، ضبطیه و پوسته اداره لری اربانه دوشورلماشیدی. سعیدپاشا اکر بونظار جدیدینی استمزاج ایتسه ایدی آنلرک ایچنده کندندن دورین و منصف اولانلری، تعیین اولندقلری برلری ایسته منیرلی بولوردی. برده اصول مشروطیت آلتنده مشکل بر قابینه ده بول بول مجلس وکلا مأموریتی قابل تجویز اوله بیلنه ده بویه مأمورلر عادتاً وکلا فوقنده دکرلی اولوق لازم کلیرکن عبدالرحمن پاشا کئی آرتق استراحتله ملته دعا ایتمکدن بشقه ایثنی اوله میه جق برینک صاحب رأی قیلنه رق هیئته قاتلی لازمییدی؟ آچیق سوبیله لم که سعید پاشا بو قابینه نك تشکیلده بیوک خاطرلری حساب قاتهرق مجرمانه بر خلوصکارلق کوسترمش، حرکتی بویه بر شایه دن، عدم امنیتدن تخلص ایله جک صورتده اداره ایتمشدر. اتحاد و ترقی جمعیتک سلائیکن کلان هیئت مبعونه سی طرفندن وقوع بولان ارشاداته رغماً سعید پاشانک بویه تشکیلات اصلیه ده کی قلت بصیرت و مهارتیه ایش قالسه ایدی ذاتاً میدان سوروکادیکی وکلانک سقوطی امر قریب اولدیغی ایچون سوزی اوزاتمزدق. فقط پادشاهدن اعتباراً هرکک محافظه سنه یتین ایشدیکی قانون اساسی نی الک جانی نقطه سنده باطله لامغه جرأت ایتمشدر. قانون اساسی وکلا ایچنده یالکیز باش وکیل ايله شیخ الاسلام انتخابی حقن حکمداره ترک ایلمشیکن، قانون اساسی نه باش وکیل و نه ده حکمدار طرفندن تعدیل و تغییر ایدیه لمکن سعید پاشانک کندی قلمندن چیقان ۴ رجب خطنده اشبو حق انتخاب بحریه وحریره نظارتلرینه سرایت ایتدیریلورمش و بونک نتیجه سی اوله رق حریره نظارتنده عمر رشدی پاشانک ایقا ایدلمسندن قطع نظر، بتون ملتک یکزبان اوله رق رفع ایلدیکی، باب عالی ایچنده یوزینه پک قینندن آدیغی «یوها» ندالرینه تبسمله مقابله ایتک حیا سزلغنی کوسترن، اموال ملتق علناً تاراج ایتمکده پرواسزلغی، فتورسزلغی مثل سائر حکمنه کیرن حسن رای تکرار بحریه نظارتنه کتیرلمشدر. اسکی انتخابلرده اصابت وارمیدی که بونلرده اوله بیلسون! سعیدپاشا عبدالحمید ثانی حضرتلرینه ده ایلک ایام سلطنتنده مقارنله آنی ملتدن تبعید و تبرید ایتش، آنی ایلک اول طریق استبداده کوتورمش، روس محاربه سنی سرایده قمله کویا حسن

صدارت مستشارلغنه آمده چی ضیا بک

شهرامانته سلائیک وایلکندن منفصل رؤف پاشا

ضبطیه نظارتنه ایقا، زیور بک

تلفراف و پوسته نظارتنه روم ایلی ولایات ثلثه سی مالیه قومیسونی اعضاسندن عطابک سعید پاشانک ۱۹ تموز تاریخی تذکره معروضه سنده «درایت» له وصف ایلدیکی بو عطابک جاسوسلغی متببن اولدیغی ایچون سلائیکنکدن استانبوله کلیرکن بوله چورلمشدر!

«شیخ الاسلام سماحتلو دولتلو جمال الدین افندی حضرتلری ايله حریره ناظری عمر رشدی پاشا و بحریه ناظری دولتلو حسنی رای پاشا حضراتی مأموریتلرنده ایقا یورلمشدر» ۱ (دیگر تبلیغ رسمی)

اداره ایتمک ایستمش، باب عالی سرای نظر بنده دوشوردجه دوشورمش ایدی. سعید پاشانک مساوی سابقه سنی اونوقت ایستین ملت افعال لاحقه سنی صدق و سلامتدن بالکلیه معراکوردیکندن پاشا عمومک آوازه شکایاتی آره سنده دوشودی (۲۲ تموز). ذاتاً سعید پاشانک وجودینه کتیردیکي تعضو سیاسی ده او اوبنه چکلمه دن اول امارات انحلال واضمحلال کوسترمش ایدی.

کامل پاشا تشکیله مأمور اولدینی و تشکیل ایلدیکي (۲۵ تموز) قایینه ده [۱] اگرچه اهلیت و قدرت لری اتصال ایلدکاری مقاماتک اهمیت مصالحیه غیر متناسب عضول کوردی. مثلا شورای دولت ریاستی و بحریه نظارتی یالکیز مستقیم دکل فقط درعهده ایلدکاری کار عظیمک جدأ اهلی آدمیر ایستردی، کذلک اوقاف اموری کندینی اکلار بر ناظره محتاجدی. بونرله برابر حربیه نظارتیه رجب پاشانی، داخلیه نظارتیه رشید عاکف پاشانی کتیرمکده کامل پاشا پک بیوک اصابت کوستردی. اسف عظیم ایله تأسف اولنورکه رجب پاشا طرابلس غربدن ورودینک اوچتی کونی مقامنده بردن بره فنالشه رق اختناق صدردن سوئدی کیتدی (۴ آغستوس)، یوم وصولنده استقبالی ایچون کندرکاهنه دوکولن بتون استانبول خلق آغستوسک دردنجی کونی آرقه سندن آغلادی. هیمز بو نعلش محترمک پیش و پسنده قانی باشلر دوکدک. رشید عاکف پاشا دخی خسته لقی یکمدیکندن بر دفعه اولسون مقامنه کلامکسزین چکلدی. تشکر اولنورکه حربیه نظارتی حجازیموریولی ایشلمه ناظری مشیر علی رضا پاشایه ویرلدی (۱۶ آغستوس). ورشید عاکف پاشانی ده حق بک استخلاف ایلدی (۱۲ آغستوس). او اغتیایات مؤله شو امیدبخش موجودیتلرله تلاق اولندی. بوقایینه ریاست کاره وصولندن بر مدت صکره مطبوعاتک الحاح و ابرای اوزرینه بر پروغرام نشر ایتدی. ایلک دفعه اوله رق نشر ایدیلان یکی قایینه نک ۳ آغستوس سنه ۳۲۴ تاریخی غزته لده نشر اولنان پروغرامی بوجه آتی تلخیص اولنه ییلور:

۱ — اصلاحات مالیه: بودجه تنظیمی، تکالیفه متعلق قوانین و نظاماتک تعدیلی؛

[۱] حربیه نظارتیه رجب پاشا

خارجیه نظارتیه ابقاء، توفیق پاشا

عدلیه « « حسن فهمی پاشا

شورای دولت ریاسته اورمان و معادن و زراعت ناظر سابق توفیق پاشا

داخلیه نظارتیه رشید عاکف پاشا

مالیه نظارتیه ناظر سابق ضیا پاشا

بحریه نظارتیه زرهلی دونا قودوری عارف پاشا

اوقاف نظارتیه محمود اکرم بک

معارف نظارتیه ابقاء، حق بک

تجارت و نافعہ نظارتیه باب عالی حقوق مشاوری قاپریل افندی،

اورمان و معادن و زراعت نظارتیه شورای دولت اعضاسندن ماورو قورداتو افندی.

- ۲ — مأمورین تنسیقاتی ؛
- ۳ — مصارف مبرمه به متعلق استقراضات جزئیة و تصرفات ممکنه ؛
- ۴ — اردو و دوخانك تنظیمی ؛
- ۵ — تزید واردات : موجود ویركولك تنظیمی ، تجارت معاهداتك تجدیدی و اصول جیاتك اصلاحی .
- ۶ — تجارت و صنایعك و امور نافه و زراعتك بر طریق سالمه ارجاعی ؛
- ۷ — حق تصرفه اصلاحات دوشونیهرك اموال غیر منقوله اصحابه ماللرشك و اموال مذكوره به قیمت و اعتبارلرلك صورت مشروعه ده تأمین ؛
- ۸ — تعلیم و تربیه خصوصاتك تنسیق و تنظیمی ؛
- ۹ — خدمت عسكریهك صنوف تبعه غیر مسلمیه تشمیلی و مكاتب عسكریه به اطفال غیر مسلمهك قبولی .

- ۱۰ — قوانین عدلیهك تعدیلی و محاكمك امنیتبخش اولهبق صورتده تشكیلی
- ۱۱ — آمایش مملكتك تقریری
- ۱۲ — حدود حاكیت و حقوق عهدیه مركز محافظهسی شرطیه بالجمله دولترلله حسن مناسبات
- ۱۳ — امتیازات عتیقهك بالتراضی رفعه تثبیت . (آمین!)

شو پروگرامك دور سابقده والیره ویریلان فرمانلردن بر فرق وارسه اوده دهام فصلجه و موضح اولمسی در . فقط مالی هرایی شیئی ، هر لازم اولان شیئی یا بهجفر دیمكدن بشقه برشی دكل : او قدر واسع ، او قدر عمومی ! واقعا هرشی یا ییلهبق : ملك خرابه زاره دوندیرلش ؛ دولت هر طرفدن كوردیكی حقارتلر آلتندده ازیله ازیله جائدن اثر كوسترمیهجك مرتبه به وارمش ، زبون قالمش ؛ هیچ برشی اصلاحدن ولو بر مدت قصیره ایچون استغنا ایدر حالده دكل . . . بد استبداد ایلیشمك ، بوزمدق ، بیقمدق هیچ برانی شی براقامش . . . مشروطیت بو مملكتی باشدن باشه تمیزلیك ملك عمران و صلاح كورسون ، دولت اعاده حیات و اعتبار ایتسون ، تأمین مكنت و قدرت ایلیه بلسون . شمدیكی حالده دولترلر بزی بزه براقیدیلر ، روزمره مداخلات پولتیقهسی ترك ایتدیلر . . . الكیقین ، الكتهیدكار قومشولرمز تفككنی براقوب باستوننی آلوب تبریک ایچون طوبراغمزه كدیلر . روم ایلیدهكی تنسیقات مأمورین اجنبیهسندن آوستریالیلر مملكتلرینه دوندیلر ، دیکرلری قانون اساسی بی آلفیشلامقدن ، بزه مشاركتدن بشقه برشیته قاریشاز اولدیلر . آغستوسك اونجی كونی چرچیردن باشلایان یانغین استانبولك باغریخی ده شدی . بر خیلی محلاتی انتقاض ییغینی حاله كیرهرك بیکلرله عائله بی یرسز ، یوردسز براقیدی ، جله بی دلخون ایلدی . رجب پاشانك و قاتندن ملت بردرس اتحاد آلمق — چونكه اوتانرده او تا ترك معناسنی اكلامقده ، او وجود محترمی مقبره تشییع ایتكده هر كس برلشمش ایدی — صورتنده متسلی اولدیه شو حریق جسیمك كوكلرله دوكدیكی اكدار عظیمه ده تسلیتسز قالدی : افراد ملت آرهسندده فكر تعاون بك عالی بر صورتده تجلی ایلدی . طوغریدن طوغری به اعاتاندن بشقه ۱۱ تموزدن بزو موقعیته اویسانان (وطن) كی

ملی اوپونر، قونسلر، یاریشلر و سائر وسیله لرله قادین وارکک جمعیتلری طرفلرندن بر خیلی اعانات طویلاندی و باشلرنده حکمدارلری بولندیغی حالده اوروپا ملتلیرنک معاوضه شتاب ایتکله برابر ملت عثمانیه حقنده بیوک بیوک آمار محبتلرینی نظر شکران ایله کوردک.

متباعدین سیاسیه کلمکده و بونلره استانبول خلق طرفندن یک صمیعی، یک پارلاق مراسم استقبالیه اجرا ایدلمکده در. هیأت استقبالیه آره سنده یالکز اقربا واحیاسی دکل. قدرشناس ملتداشلرندن بیکارله افراد حریت برستانی تشخیص ایلکده درلر. چهارشنبه کونی داماد محمود پاشا زاده صباح الدین یک مواصلت ایتدی. باباسنک بقیه عظامنی ده کتیردی. مجاهد حریت محمود پاشا آرتق پرلاشزده دکل، ایوبده یاتعجق و مقبری زیارتگاه امت اوله جقدر.

ولی عهد سلطنت رشاد افندی حضرتلریله بیوک برادری عبدالحمید خان ثانی حضرتلرنک ملاقاتی، خاندان سلطنت افرادینک افراد ملتله قانیه رقی. محویتده بیوکک کوسترملری، شایان تذکار وقائع در.

۱۱ تموزدن برو جدی و مزاحی بر چوق غزته نک انتشار ایلیه رک سویله سوپله او قوندیغی؛ ارباب صنائع اتحاد و تعاون و مسلک لرنده ترقی ایچون جمعیتلر تشکیل ایلدیکلرینی و بو یوزدن رژیده، تراموا ییده، شمد و فرلرده و سائرده تعطیل اشغاللر وقوع بولمش ایسه ده اتحاد و ترقی جمعیتی اعضاسنک توسطلریله یک قیصه مدته بر طرف ایدلدیکنی و قانون اساسیمزک اعلانی بوسنه و هر سکنده و مضرده تأثیرات مهمه حصوله کتیره رک بورالرده اداره مشروطه تأسیسی انکلتزه و آوستریا حکومتلرنجه دائمی دوشونجه اولدیغی مثللو ایرانده اعاده اداره مطلقه ایتک عزمیله قان دوکن شاهک بر خیلی تبعه ایرانیه طرفندن تابعیت عثمانیه یکمک تهدیدیه تضییق اولندیغی و احرار ایرانک طاقم طاقم سفارتخانه مزه کلوب التجا ایتدیکلرینی؛ انکلتزه ایله ارمیزی آجان اسبابک زوالیه ایکی ملتک یکدیگرینه غایت صمیعی بر صورتده محبت کوستردیکلرینی و سفیر جدید سیر لوو ترک پای نخته ورودی قانون اساسینک اعلانندن سوکره یه مصادف اولمسیله دنیا ده هیچ بر سفیره نصیب اولماش بر صورتده ملت طرفندن استقبال اولندیغی و هر یزده آلفیشلر کوردیکنی سوپلر سه ک ۱۱ تموزدن آغمتوسک یکرمی بشنه قدر اولان وقوعاتی اجمال ایتش اولورز.

ابن الضیا

اجال خارجی

حکومت مشروطه عثمانیه نک صحنه سیاستنده تکیون ایدن ایلک اختلاف بلغارستان قبوکتخداسی کشوف افندی نک عدم دعوی مسئله سی اولدی. بزم نقطه نظر مزجه بلغارستان عهداً دولت عثمانیه نک زیر تابعیتنده برامارت بولمق حسیله